


新民晚报

星期天夜光杯 / 上海闲话



图／麟康

两只樟木箱

文 / 孙悦

茄山河

我小辰光顶欢喜到沈嬢嬢屋里去做人客了,伊是阿拉姆妈个好朋友,勿光菜烧得好吃,还有伊屋里向两只漂亮个樟木箱弹眼落睛。箱子是黑颜色个,四周刻辣一朵朵梅花图案,当中雕了一组红楼人物,甭些长裙拖地个金陵十二钗,个个飘飘欲仙,老好看个。箱子总归揩得乌光锃亮,连得缝缝道道里也不落灰。

甭个辰光还是中年个沈嬢嬢,穿得山青水绿。伊旣没结过婚,搭兄弟一家门住辣一道。伊晒辣亭子间里,亭子间忒小,搁勿下甭个两只老大个箱子,伊拉就拨放辣前头个大房子里。当然咯,箱子里个物事是沈嬢嬢个。

迭两只箱子是解放前沈嬢嬢辣辣惠罗公司买个,甭个辰光伊自家也辣辣送家公司个玩具部做主任,每个月有一百四五十块进账。伊交一半铜钿拨伊个姆妈,另一半就自家添眼衣裳、兑眼首饰咯啥。甭个辰光惠罗公司实行五天半工作制,一到礼拜天,沈嬢嬢就搭仔几个年轻朋友到兆丰公园或者仙乐斯去白相。伊拉欢喜划船、拍照片、看电影、吃司盖阿盖咯啥,迭眼物事辣辣当年侪是老洋派个。沈嬢嬢还老欢喜旅游个,伊讲伊拉公司每年有为期两周的Summer holidays(即歇夏,每年三四月份开张,每个职工轮流歇),伊常常跟朋生旅行团去旅游,到过金华、兰溪、黄山、杭州、莫干山等地方。

伊个生活,也就是现在甭些外企白领个生活,有一种特有个紧张搭潇洒。伊辣辣惠罗公司个玩具部做,每年圣诞节前是顶忙个了,设

辣三楼个玩具部统统要打扮成圣诞盛景。大批大批个玩具从英国运来(惠罗公司系英商开办),光是娃娃就有几百只,沈嬢嬢讲伊顶欢喜一只仿造美国童星秀兰·邓波儿个洋娃娃……

后来沈嬢嬢老了,依旧住辣甬间小了一咪咪个亭子间里,靠辣一份少来西个退休金过日脚。伊已经勿能像老早甬样烧交关菜拨阿拉吃,一来钞票勿多,腻(二)来体力勿够,最主要个是,房子拔辣辣几个侄子结婚登脱了,连甬个两只箱子也拨伊拉塞到阁楼上去搁床铺了。

箱子已经老旧了,而且积满了灰尘,不过仍旧挂辣了两把铜锁。沈嬢嬢从来不当辣别人个面打开箱子个,伊要开箱子就先拿房门别上,所以箱子里向到底有眼啥,啥人也勿晓得。日脚最难过个辰光,只要伊打开箱子,就会变出一眼钞票来个,甭能介,辣辣阿拉个肚皮里向,迭个两只箱子好比是百宝箱。阿拉曾经不止一次个问过沈嬢嬢:箱子里向到底有眼啥物事?伊总归笑笑勿睬阿拉,甬能介愈发加深了阿拉个好奇心。

突然有一天,沈嬢嬢宣布伊要卖脱迭个两只箱子,我就怂恿姆妈去拿伊买下来。姆妈开头还有眼犹犹豫豫,嫌比伊忒旧,又占地方,后来经勿起阿拉三讲两讲,就去搭沈嬢嬢讲了。沈嬢嬢一听老开心个,伊讲甬能介顶好,我慢慢叫也好看到伊拉。

伊马上从袋袋里拿出钥匙讲:我打开来拨侬看,里向还有好物事了。我克制辣一颗博博跳个心,眼睛一霎勿霎个盯牢仔沈嬢嬢拿钥匙个手。箱子开开来了,里向晒辣一只蜡蜡黄个秀兰·邓波儿样子个洋娃娃,另外一只空箱子……

远开一眼

老底子屋里没有电灯,点一根蜡烛火,放在台子上。天黑回家,远远望过去,窗口亮堂堂的,心口就暖洋洋;窗口黑黢黢的,心口就冰冰冷。

夜头做功课,字小看不清,就要把蜡烛移过来;如果移得忒近,头发就会吱一声,被蜡烛火烧焦。头发烧焦的气味,跟烤猪毛是一样的。蜡烛火最怕风,风一来,就

蜡烛火

文 / 彭瑞高

要用手帮它挡牢,这时,手心并就有点烫兮兮的。

后来买了火油灯,就不怕风了。火油灯值铜钿,就因为它有灯罩,不怕风不算,点火后一上灯罩,火头还会亮三分。

灯罩容易熏黑,隔几天就要揩一揩。大人手粗伸不进去,姆妈就叫我揩。姆妈讲,揩灯罩最好用草纸,一边揩一边哈气,这样才揩得

清爽。姆妈还讲,揩灯罩手节头要灵活,灯罩玻璃薄,要用软硬劲揩;你阿哥手节头硬搥搥的,像慈姑头,几只灯罩都揩碎了,我不要他揩。现在看到不夜城,就会想起当年的蜡烛火。蜡烛火虽然不亮,但慢生活的滋味是蛮好的;现在夜里那么光鲜,到处搞景观照明,亮得一天世界,是不是忒过份了?

灶披间

粽香垂情

文 / 侯宝良

农历个五月初五,因为是月初第一个五,有人就称为“端五”。还有其他原因叫“端午、端阳”个。当作过节辣祖浪向还有交关个传说。勿过五月初五刚好是古代楚国诗人屈原投江个忌日,大家通常就拔端五节当成纪念屈原个日脚,逐渐也就成了中华民族重要个传统节日了。吃粽子、看龙船、荡庙会辣甬天是闹猛得勿得了。裹粽子更是家家人家个“老生活经”,当家女人侪会个。

我记得小辰光住辣老房子里过端午也真是热闹,基本家家侪要裹粽子。当年我阿奶裹粽子辣邻居道里是高手,伊顶拿手是裹棱角分明个三角粽,只只裹了是弹眼落睛,品种有肉粽、枣子粽、赤豆粽咯啥。来请伊裹粽子个邻舍邪气多,当伊拉粽子煮好后,总归要送几只拨阿拉来表示谢谢。我特别喜欢吃粽子,刚好配我个胃口。阿奶看我迭能个欢喜,常庄拿包剩个粽箬囤好,碰着乡下有亲眷送眼糯米来,伊就裹几只拨我吃。甬辰光我就担心,将来阿奶老了,裹勿动仔哪能办?阿奶笑了:“葛末有依姆妈呀!”姆妈辣一旁听了激将我:“依要吃,就自己学了裹呀。”可惜我就推扳迭口气,学不会甬门手艺。

到底自家妈妈,讲归讲,心里想,从前辣乡下倪屋里裹个粽子蛮“吃价”,现在辣城里迭门手艺也老“吃香”,要是失传倒蛮可惜个。乃末伊退休后每到端午节就向阿奶学裹粽子,就算当时社会经济有眼好,粽子旣没老早个稀奇,超市里也有买,阿拉还是坚持自家裹。自家包粽

子,勿但味道好,吃了放心,更有意义是当作传统文化来传承。我姆妈裹个粽子辣阿奶个基础浪还有了发展,长方个枕头粽里塞仔两块肉,胃口小眼还吃勿脱。伊寻我开心,“是特为脱依裹个”。每到端午个辰光,姆妈总归裹仔交关粽子送到我屋里来,还让我分点拨邻居。

前几年,姆妈也勿再年轻,伊倒讲出眼心事:“手里没力道,裹出个粽子吃口就差了。”而我对自家个粽子仍旧一往情深:“只要姆妈裹个,勿管哪能侪好吃。”我也听出姆妈担心裹粽子旣没接班人了。就脱姆妈寻开心讲:“老妈来个承上启下,培养下一代么。”阿拉老婆是个聪明人,听懂我个意思:“看来甬副重担是落辣我个肩膀浪啦。”阿拉老婆也是欢喜保持中国人老传统个,伊晓得中国个端午文化深深个影响到周边邻国,越南、朝鲜、韩国、日本侪有过端午个习俗,韩国还把端午文化当伊拉个历史文化向联合国申报注册,“像啥个闲话?”

就迭能,老婆辣拉阿拉姆妈手把手个悉心带教下,甬几年裹粽子技艺是大有长进,还多次参加了社区个裹粽子活动呢。伊不仅传承了原有鲜肉、枣子、赤豆、豆瓣四大特色粽子,还开发了猪油豆沙、核桃芝麻酥个新品种。为适合阿拉老年人个需求,粽子个体形也减肥了,算是与时俱进吧。伊讲糯米甬物事不容易消化,勿要一记头吃交关,反正自家裹个,随时供应。我开心啊,裹粽子辣阿拉屋里代代相传下来了。依看!端午节来临了,老婆又辣忙裹粽子个准备了。

沪语民谣

又到端午

创作 / 杨保飞

端午节,啥日子,
纪念屈原包粽子。
江湖水面摆场子,
龙舟竞渡喊号子。
门浪挂把艾叶子,
菖蒲新鬼比刀子。

身浪套只香袋子,
驱邪辟秽杀虫子。
中药几味配好子,
烟熏灭蝇灭蚊子。
优良民俗记牢子,
传承龙孙与龙子。

从自来水到自来水

文图 / 阿仁

吃来吃去,还是吃自来水安全!



心想要从水里榨出油水来。最先个消息是桶装水个筒辣消毒浪拆烂糊了。以后是筒里向灌个水也就弄成了普通自来水。专家们还

提醒,桶装水如果不三日两头用光伊,会滋生出交关细菌个。最近个新闻是一些瓶装水个检测也是马马虎虎个,质量要求还比

勿过自来水。有关个报告讲,自来水个国家检测要有一百多项,要比交关桶装水、瓶装水个质地弹硬得多。吃自来水,吃烧开滚过个自来水最安全。

吃水,吃啥个水结果是兜了一只圈子。从自来水开始,冲进净水器,流过饮水机,灌入瓶装水,最后还是回到自来水。我是因为偷懒而勿欢喜赶时髦个人。由此几十年来辣屋里向一直是冲一吊子水用铜吊来烧自来水个。水开了,再滚上伊一两分钟。再冲进热水瓶、冷水壶。就是我个九十几岁个老娘亲一早起来,也关照我:“烧两吊水,换脱热水瓶里个隔夜水!”与几个也烧自来水个老邻居谈到水,伊拉讲:“还是相信政府、相信自来水厂,一辈子吃伊拉个自来水……”

生活用水,从阿拉个老祖宗开始,就是用河水、湖水、井水和山泉水。后来西方技术进来了,城里人先用了自来水。自来水甬种个叫法,我以为是开始于上海滩。辣上海闲话里,与自来水可以对应起来个是自来火。自来火,火柴。外国人最早带进中国个火柴,上海人称之为洋火。洋火一擦就烧起来了,便当轻松,就叫伊自来火了。就是到现在,上海人辣平常日脚里还是称火柴为自来火。用上海闲话来讲火柴,实在拗口得很,听勿到个。而自来水个称谓就是搭了自来火个便车来个。

放一壶自来水,烧开,就是开水了。冷开水、热开水、温开水,大家侪吃自来水。卅年前,市面上出现了净水器。辣净水器面前,自来水档子一

闲话闲画

记头跌下去了。于是各家各户有点条件侪装上了净水器。申花足球队最早起家个老板就是做净水器生意个。申花净水器一度大名鼎鼎。把净水器轧出大家生活个是饮水机。饮水机有冷热两只龙头,方便。饮水机用个是专用饮水筒,号称筒里装个是比自来水更干净、更纯洁个饮用水。饮水机从写字间里发迹,后来被请进了千家万户。到亲戚朋友屋里向做客人,不再用热水瓶了,大家放饮水机泡茶吃水,是一时个时髦。辣桶装水之后又涌出了瓶装水。瓶装水更加便当了。开会辰光人手一瓶,不必上茶添水了。乘车、赶路也可以一瓶在手,避免舌燥口干之苦。瓶装水个牌子、花头更是多得叫人一头雾水。

当吃个水变成一种生意经了,就会有黑了良心个商家一门